



Broj: 11-07/03-34-10847/25
Sarajevo, 11.04.2025. godina

OŠ „Šip“
Deveta osnovna škola Ilidža
OŠ „Podlugovi“
OŠ „Hilmi ef. Šarić“

OŠ „Srednje“
OŠ „Silvije Strahimir Kranjčević“
OŠ „Safvet-beg Bašagić“

n/r direktora/ice
EMIS odgovornih osoba

PREDMET: Polaganje eksterne mature učenika koji su završili osnovnu školu izvan Kantona Sarajevo – *Informacija, dostavlja se*

Poštovani,

Ministarstvo za odgoj i obrazovanje Kantona Sarajevo, u skladu sa Zakonom o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, br. 27/24) i Pravilnikom o polaganju eksterne mature („Službene novine Kantona Sarajevo“, br. 25/18, 17/19 i 24/19), provodi eksternu maturu u osnovnim školama na području Kantona Sarajevo.

Također, u skladu sa važećim propisima, učenici državljanji Bosne i Hercegovine koji su završili osnovnu školu izvan Kantona Sarajevo imaju pravo upisa u srednje škole Kantona Sarajevo pod istim uslovima kao i učenici sa područja Kantona Sarajevo.

S tim u vezi, Ministarstvo je donijelo odluku kojom se određuju upravo Vaše škole kao ustanove u kojima će učenici izvan Kantona Sarajevo polagati eksternu maturu, te dostaviti potrebnu dokumentaciju za unos podataka u EMIS informacijski sistem, neophodan za upis u prvi razred srednje škole putem online sistema.

Prilikom odabira škola uzeti su u obzir sljedeći kriteriji:

- Blizina škola gradovima iz kojih prethodnih godina dolazi najveći broj učenika koji upisuju srednje škole u Kantonu Sarajevo,
- Broj učenika u školi, kako bi se izbjeglo preopterećenje i osigurao nesmetan rad EMIS odgovornih osoba,
- Kvalitet i efikasnost rada EMIS odgovornih osoba, kao i dosadašnja uspješna saradnja.



Prilikom prijave učenici su dužni dostaviti sljedeće dokumente:

- Izvod iz matične knjige rođenih,
- Svjedodžbu o završenoj osnovnoj školi,
- Uvjerenja o završenom 6., 7. i 8. razredu,
- Dokumente/Diplome koje dokazuju postignute rezultate na takmičenjima, u skladu sa Odlukom o kriterijima za upis učenika u prvi razred srednjih škola Kantona Sarajevo u školskoj 2025/2026. godini.

EMIS odgovorna osoba je dužna da podatke učenika unese u EMIS Web sistem na sljedeći način:

1. Putem opcije **Prethodne ocjene/Retroaktivni unos ocjena**, odabrati razred i školsku godinu za koju je potrebno unijeti ocjene (npr. 6. razred – školska 2020/2021. godina).
2. Nakon unosa svih ocjena, odabrati opciju **Spasi**.
3. Unos pohvala i takmičenja vrši se na isti način, putem opcije **Pohvale** (polje je obavezno jer se takmičenja boduju za online upis u skladu sa Odlukom o kriterijima za prijem učenika u prvi razred srednjih škola Kantona Sarajevo).
4. Postupak unosa ocjena ponavlja se za svaki razred pojedinačno.

Nakon obrade podataka, EMIS odgovorna osoba dužna je kreirati **oID učenika** predati učeniku ili roditelju/staratelju, s obzirom da se učenici putem oID-a prijavljuju na online sistem za upis u prvi razred srednje škole u Kantonu Sarajevo.

Rok za prijavu učenika koji su završili osnovno obrazovanje izvan Kantona Sarajevo i žele polagati eksternu maturu je **10. juni 2025. godine**.

Molimo da se navedene smjernice dosljedno ispoštuju kako bi proces prijave i polaganja mature protekao nesmetano.

S poštovanjem,



Dostaviti:

- Naslovu
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba

2/2